

六度集經



百五十八
敢一

48359



皇國華國 帝階銀昌

佛日增輝 轉崇轉

山城州天安寺法金剛院置

二月日重脩

六度集經卷第一

吳天竺三藏法師康僧會譯

敢

布施度無極經第一 凡十章

佛在王舍國鷄山中時與五百應儀菩薩千人共坐中有菩薩名阿泥察佛說經道常靜心側聽寂然無念意定在經衆祐知之為說

菩薩六度無極難逮高行疾得為佛何謂為
六一曰布施二曰持戒三曰忍辱四曰精進
五曰禪定六曰明度無極高行布施度無極
者厥則云何慈育人物悲愍群邪喜賢成度
護濟衆生跨天踰地潤弘河海布施衆生飢
者食之渴者飲之寒衣熱涼疾濟以藥車馬

舟輿衆寶名珍妻子國土索即惠之猶太子
須大拏布施貧乏若親育子父母屏逐愍而
不怨昔者菩薩其心通真覩世無常榮命難
保盡財布施天帝釋覩菩薩慈育群生布施
濟衆功勳巍巍德重十方懼奪已位因化爲
地獄現于其前曰布施濟衆命終魂靈入于
太山地獄燒煮万毒爲施受害也尔惠爲乎
菩薩報曰豈有施德而入太山地獄者乎釋
曰尔其不信可問辜者菩薩問曰尔以何緣
處地獄乎罪人曰吾昔處世空家濟窮拯拔
衆厄今受重辜處太山獄菩薩問釋仁惠獲
殃受施者如之乎釋曰受惠者命終昇天菩

薩報曰吾之拯濟惟爲衆生假如子去誠吾願矣慈惠受罪吾必爲之危已濟衆菩薩上志也釋曰尔何志願尚斯高行答曰吾欲求佛擢濟衆生今得泥洹不復生死釋聞聖趣因却叩頭曰實無布施慈濟衆生遠福受禍入太山獄者也子德動輒坤懼奪吾位故下地獄以惑子志耳愚欺聖人原其重尤旣憐過畢稽首而退菩薩慈惠度無極行布施如是昔者菩薩爲大國王号薩婆達布施衆生恣其所索愍濟厄難常有悲愴天帝釋覩王慈惠德被十方天神鬼龍僉然而曰天帝尊位初無常人戒具行高慈惠福隆命盡神遷

則爲天帝釋懼奪已位欲往試之以照真僞
帝命邊王曰今彼人王慈潤霽霈福德巍巍
恐子志求奪吾帝位尔化爲鴿疾之王所佯
恐怖求哀彼王仁惠必受尔歸吾當尋後從
王索尔王終不還必當市肉以當其處吾詭
不止王意清真許終不違會自割身肉以當
其重也若其秤肉隨而自重肉盡身痛其必
悔矣意有悔者所志不成釋即化爲鷹邊王
化爲鴿鴿疾飛趣于王足下恐怖而去大王
哀哉吾命窮矣王曰莫恐莫恐吾今活汝鷹
尋後至向王說曰吾鴿尔來鴿是吾食願王
相還王曰鴿來以命相歸已受其歸吾言守

信終始無違尔苟得肉吾自足尔今重百倍
鷹曰惟欲得鴿不以餘肉王希當相惠而奪
吾食乎王曰受彼自歸信重天地何心違之
乎當以何物令尔置鴿歡喜去矣鷹曰若王
慈惠必哀衆生者割王肌肉令與鴿等吾欣
而受王曰大善即自割髀肉秤之令與鴿重
等鴿踰自重自割如斯身肉都盡未與重等
身瘡之痛其爲無量王以慈忍心願鴿活又
命近臣曰尔疾殺我秤髓今與鴿重等吾奉
諸佛受正真之重戒濟衆生之危厄雖有衆
邪之惱猶若微風焉能動太山乎鷹照王懷
守道不移慈惠難齊各復本身帝釋邊王稽

首于地曰大王欲何志尚惱苦若茲人王曰
吾不志天帝釋及飛行皇帝之位吾觀衆生
没于盲冥不覩三尊不聞佛教恣心于凶禍
之行投身于無擇之獄覩斯愚惑爲之惻愴
誓願求佛拔濟衆生之困厄今得泥洹天帝
驚曰愚謂大王欲奪吾位是以相擾耳將何
勅誨王曰使吾身瘡痍復如舊今吾志尚布
施濟衆行高踰今天帝即使天醫神藥傅身
瘡愈色力踰前身瘡斯湏霍然都愈釋却稽
首遶王三匝歡喜而去自是之後布施踰前
菩薩慈惠度無極行布施如是
昔者菩薩貧窶尤困與諸賈人俱之他國其

衆皆有信佛之志布施窮乏濟度衆生等人
僉曰衆皆慈惠尔將何施荅曰夫身假借之
類靡不棄捐吾覩海魚巨細相吞心爲惻愴
吾當以身代其小者今得須臾之命也即自
投海大魚飽小者得活魂靈化爲鱸魚之王
身有里數海邊有國其國枯旱黎庶飢饉更
相吞噉魚爲流淚曰衆生擾擾其苦痛哉吾
身有里數之肉可供黎民旬月之乏即自蕩
身上于國渚舉國噉之以存生命輦肉數月
而魚猶生天神下曰尔爲忍苦其可堪乎何
不放壽可離斯痛也魚曰吾自絕命神逝身
腐民後飢饉將復相噉吾不忍覩心爲其感

矣天曰菩薩懷慈難齊天爲傷心尔必得佛
度苦衆生矣有人以斧斫取其首魚時死矣
魂靈即感爲王太子生有上聖之明四恩弘
慈潤齊二儀愍民困窮言之哽噎然國尚旱
靜心齋肅退食絕獻頓首悔過曰民之不善
各在我身願喪吾命惠民雨澤日月哀慟猶
至孝之子遭聖父之喪矣精誠達遠即各有
佛五百人來之其國界王聞心喜悅若無身
奉迎稽首請歸正殿皇后太子靡不肅虔取
味法服供足所乏五體投地稽首叩頭涕泣
而曰吾心穢行濁不合三尊四恩之教苦酷
人民罪當伐已流被下劣枯旱累載黎庶飢

饑怨痛傷情願除民災以禍罪我諸各佛曰
尔爲仁君慈惻仁惠德齊帝釋諸佛普知今
授汝福慎無感也便疾勅民皆令種穀王即
如命男女就業家無不修稻化爲菰農臣以
聞王曰須熟菰實覆國皆含稻穡中容數斛
其米苾芬香聞一國舉國欣懌歎詠王德四
境讎國皆稱臣妾黎民雲集國界日長率土
持戒歸命三尊王及臣民壽終之後皆生天
上佛言時貧人者吾身是也累劫仁惠拯濟
衆生功不徒朽今果得佛号天中天爲三界
雄菩薩慈惠度無極行布施如是
昔者菩薩時爲逝心恒處山澤專精念道不

犯諸惡食果飲水不畜微餘慈念衆生愚癡
自裹每覩危厄沒命濟乏行索果菰道逢乳
虎虎乳之後疲困乏食飢餓心荒欲還食子
菩薩觀之愴然心悲哀念衆生處世憂苦其
爲無量母子相吞其痛難言哽噎流淚迴身
四顧索可以食虎以濟子命覩無所見內自
惟曰夫虎肉食之類也深重思惟吾建志學
道但爲衆生沒在重苦欲以濟之今得吉福
身命永安耳吾後老死身會棄捐不如慈惠
濟衆成德即自以首投虎口中以頭與者欲
令疾死不覺其痛耳虎母子俱全諸佛歎德
上聖齊功天龍善神有道志者靡不愴然進

行或得溝巷頻來不還應真緣一覺有發無
上正真道意者以斯猛志跨諸菩薩九劫之
前誓於五濁爲天人師度諸逆惡今僞順道
菩薩慈惠度無極行布施如是

昔者菩薩爲大國王國名軋夷王号偏悅內
明外仁顏和正平民從其化獄無繫囚黎民
貧乏恣所求索慈惠和潤恩如帝釋他國逝
心服王仁施從衆所欲群邪嫉正以爲毀真
詣宮門曰吾聞明王濟黎民之困乏猶天潤
之普覆告衛士曰尔可聞乎近臣以聞王即
現矣逝心現曰明王仁澤被于四國有識之
類靡不咨嗟敢執所願欲以上聞王曰大善

逝心曰天王尚施求即無違時宜應用人首
為事願乞王首以副望矣王曰吾首何好而
欲得之乎吾有衆寶益以惠子逝心不受又
使工匠作七寶首各數百枚以與逝心逝心
曰惟欲王首耳王未嘗逆人即自下殿以髮
纏樹曰吾以首惠子逝心拔刀疾步而進樹
神覩之忿其無道以手搏其頰身即了戾面
為反向手垂刀墮王得平康臣民稱壽悲喜
交集諸天歎德可謂內施乎四王擁護衆毒
消歇境界無病五穀豐熟牢獄裂毀君民欣
欣佛告諸沙門時軋夷國王者即吾身也逝
心者調達是菩薩慈惠度無極行布施如是

昔者菩薩爲大國王理民以慈恕已度彼日
日巡行貧乏拔濟鰥寡疾藥糜粥每出巡守
命使後車具載衆寶衣被醫藥死者葬之每
覩貧民輒自咎責君貧德民窮矣君富德民
家是今民貧則吾貧矣王慈若斯名被十方
第二帝釋坐爲其熱釋心即懼曰彼德巍巍
必奪吾位吾壞其志行即畢乎便自變化爲
老梵志從王乞銀錢一千王即惠之曰吾年
西老恐人盜之願以寄王王曰吾國無盜重
日寄王王即受之又化爲梵志詣宮門近臣
以聞王即現之梵志歎曰大王功名流布八
極德行希有今故遠來欲有所乞王曰甚善

曰吾宿薄祐生在凡庶欣慕尊榮欲乞斯國
王曰大善即與妻子輕乘而去天帝復化爲
梵志從王乞車以車馬惠之與妻子進路依
山止宿有五通道士與王爲友悅憶王德仰
覩其宿覩之失國靜心禪息覩天帝釋貪嫉
奪國委頓瘦瘵道士以神足忽然之王所曰
將欲何求勞志若茲曰吾志所存子具知之
道士即化爲一轅之車以送王還晨各離矣天
化爲梵志復乞其車即復以惠之轉進未至
彼國數十里天復化爲前梵志來索銀錢王
曰吾以國惠人脫忘子錢梵志三日必還吾
錢王即以妻子各質一家得銀錢一千以還

梵志妻侍質家女女浴脫身珠璣衆寶以懸
者架天化爲鷹撮衣寶去女去婦盜錄之繫
獄其兒與質家兒俱卧天夜往殺質家兒矣
死家取兒付獄母子拘獄飢饉毀形呼嗟無
救銜泣終日罪成棄市王貨得銀錢一千行
贖妻子歷市覩之即存念十方諸佛自悔過
曰吾宿命惡乃致茲乎靜心入禪神通之明
覩天所爲空中有聲曰何不急殺之乎王曰
吾聞帝釋普濟衆生赤心惻愴育過慈母含
血之類莫不蒙祐尔爲無惡緣獲帝位乎釋
懷重毒惡孰罪成生入太山天人龍鬼莫不
稱善地主之王即釋妻子之罪二王相見尋

問其源具陳所由國無巨細靡不墮淚地王
之王分國而治故國臣民尋王所在率土奉
迎二國君民一哀一喜時王者吾身是妻者
俱夷是子者羅雲是天帝調達是山中梵志
舍利弗是彼國王者弥勒是菩薩慈惠度無
極行布施如是

昔者菩薩為大國王理民以正心無偏頗然
不遊觀國相啓曰願一出遊王曰大善明日
即出民情悅豫普得其所觀國富姓居舍妙
雅瓦以銀瓦被服光道曰吾國豐哉心甚欣
豫還宮憶之曰斯諸理家何益於國乎勅錄
其財為軍儲矣有一理家其私財有三千万

以疏現王王怒曰何敢面欺乎對曰少來治
生凡有私財宅中之寶五家之分非吾有也
曰何謂私財對曰心念佛業口宣佛教身行
佛事捐五家分興佛宗廟敬事賢衆供其衣
食慈養蝓飛蠕動蚊行之類心所不安不以
加之斯之福德隨我所之猶影隨形所謂私
財也五家分者一水二火三賊四官五爲命
盡身逮家寶捐之於世已當獨逝殃禍之門
未知所之覩世如幻故不敢有之也計五家
分可有十億斯爲禍之窠藪常恐危已也豈
敢有之願士衆輦之以除吾憂王曰誠哉斯
言即遣之去退入齋房靜心精思即醒寤曰

身尚不保豈況國土妻子衆諸可得久長乎
即撰錄佛經誦文釋義心始嬰除進貞臣納
忠諫大赦其國還民寶序群僚議寬正謂群
臣曰夫不覩佛經妙義重戒者其爲聾盲矣
彼理家富惟我貧矣即勅國界散出財寶賑
給貧困恣民所欲立佛廟寺懸繒燈香飯諸
沙門身自六齋如斯三年四境寧靜盜賊都
息五穀熟成民無飢寒王後壽終即上生第
二天佛告諸沙門時王者吾身是理家者秋
鷲子是勸王觀國者阿難是菩薩慈惠度無
極行布施如是
昔者菩薩爲大理家名曰仙歎財富無數覩

佛明典覺世無常榮命難保財非己有惟有
布施功德不朽今告黎民若有貧乏恣願取
之如斯數月時正寬民富無乏財者仙歎念
曰惟常市藥供護衆疾耳即市良藥濟衆生
命慈育普至恩無不周累年之惠德香遠熏
四方病者馳來首尾歎其弘潤以德配天財
賄都盡身行採寶去家百餘里於一水上逢
數乘車載重病者曰介所之乎荅曰之仙歎
所庶全餘命仙歎即還從王貸金五百兩市
藥以療彼病病者悉瘳自與賣人入海採寶
所獲如多還國置舟步行道乏無水仙歎得
一井水呼人汲之却自取飲賣人覩其所得

白珠光耀絕衆貪為無惡毀聖殘仁共排仙
歎投之于井菩薩仁德感神動祇天神承接
令不毀傷賈人還國王曰仙歎何之對曰去
國即別不知所之曰尔乃殺之乎曰不也仙
歎于井覩空傍穴尋之而進出彼家井准七
日而行得其本國王曰何緣空還乎對曰不
遇王靜思曰其必有以召賈人問尔誠首之
即活歎者死矣即皆首之執獄定罪仙歎涕
泣馳詣宮門叩頭請罪王曰違政也又重請
曰愚者倒見未足明責原其無知也王嘉仙
歎之仁覆原賈人之凶罪勅令還物賈人僉
曰仙歎不奉佛者豈有斯仁乎各擇名寶以

還之矣仙歎各受其半賈人叩頭曰蒙祐命
全願盡納焉於斯受之以還王金又大布施
王逮臣民相率受戒子孝臣忠天神營衛國
豐民康四境服德靡不稱善佛言時仙歎者
是我身也菩薩慈惠度無極行布施如是
昔者菩薩從四姓生墮地即曰衆生万禍吾
當濟焉不覩佛儀不聞明法吾開其目除其
盲聾令之覩聞無上正真衆聖之王明範之
源也布施誘進靡不服從矣九親驚曰古世
之來未聞幼孩而爲斯矣將是天龍鬼神
之靈乎當卜之焉即荅親曰吾爲上聖之所化
懷普明之自然非彼衆妖慎無疑矣言畢即

默親曰兒有軋坤弅潤之志將非凡夫乎名
兒曰普施年有十歲佛諸典籍流俗衆術靡
不貫綜辭親濟衆布施貧乏親曰吾有取富
之上名也尔可恣意布施衆貧矣對曰不足
乞作沙門賜吾法服應器錫杖以斯濟衆即
吾仁生願也親憶兒始生之誓無辭御焉即
從其願聽為沙門周遊教化經一大國國有
豪姓亦明衆書觀普施儀容堂堂光華耀曄
厥姓淡怕淨若天金有上聖之表將為世雄
也謂普施曰有欲相告願足聖人吾有陋女
願給箕箒之使荅曰大善頃吾還也即進路
之海邊附載度海上岸入山到至無人處遙

觀銀城宮殿明好時有毒蛇繞城七匝體大
百圍見普施來仰然舉首普施念曰斯含毒
類必有害心吾當興無蓋之慈以消彼毒也
夫凶即火也慈即水也以水滅火何常不滅
即坐興慈定願令衆生早離八難心去惡念
逢佛見法與沙門會得聞無上正真明道心
開垢滅如吾所見也興斯慈定蛇毒即滅垂
首而眠普施登其首入城城中有天神覩普
施來欣豫而曰久服聖德今來翔茲成吾本心
也願留一時九十日普施然許天王即以正
事委付近臣身自供饌朝夕肅懷稟受諸佛
非常苦空非身之高行濟衆生之明法時日

養畢普施進路天王以明月真珠一枚送之
以珠自隨明四十里志願發去衆寶滿足若
後得佛願爲弟子親侍聖側普施曰可即復
前行覩黃金城嚴飾踰銀又有毒蛇圍城十
四布巨體倍前舉首數丈普施復思弘慈之
定蛇毒即消垂首而眠登之入城中有天人
覩普施歡喜曰久服靈耀翔茲甚善願留二
時百八十日吾願盡養惟留威神即然許之
留爲說法無上明行訖即辭退天人復以神
珠一枚送之明耀八十里志之所願衆寶滿
其里數若子得道願爲弟子神足無上受其
神珠即復進路覩琉璃城光耀踰前又有毒

蛇巨軀甚大遶城二十一帀仰首眠目當彼
城門復坐深思普慈之定誓濟衆生毒歇垂
首登之而入城中天人喜辭猶前請留三時
願供所志期竟辭退又送神珠一枚明耀百
六十里珠之所在衆寶尋從滿其明內在志
所欲無求不獲子若得無上正真覺道者吾
願爲弟子有最明之智曰必獲尔願普施得
珠曰斯足以濟衆生之困乏反其舊居海諸
龍神僉會議曰吾等巨海惟斯三珠爲吾榮
華道士悉得吾等何榮寧都亡諸寶不失斯
珠海神化爲凡人當普施前立曰吾聞仁者
獲世上寶可得觀乎即以示之神搏其首即取

其珠普施惟曰吾歷險阻經跨巨海乃獲斯
寶欲以拯濟衆生困乏反爲斯神所見奪乎
曰余還吾珠不者吾竭尔海海神荅曰尔言
何虛斯之巨海深廣難測孰能盡之天日可
隕巨風可却海之難竭猶空難毀也普施曰
昔吾定光佛前願得道力反覆衆海指擢頭
弥震搖天地又移諸刹佛從吾志與吾願吾
今得之今尔鬼物絲髮之邪力焉能遏吾正
直之勢乎即說經曰吾自無數劫來飲母乳
撞啼哭之淚身死血流海所不受恩愛難絕
生死難止吾尚欲絕恩愛之本止生死之神
今世杼之不盡世世杼之即止住併兩足瓢

抒海水投鐵圍外有天名遍淨遙聞之深自
惟曰昔吾於定光佛前聞斯人獲其志願必
爲世尊度吾我衆生天即時下助其抒水十
分去八海神悔怖曰斯何人哉而有無極之
靈乎斯水盡矣吾居壞也即出衆寶空其諸
藏以與普施普施不受曰惟欲得吾珠耳諸
神即還其珠普施返其水旋其本土尋路布
施所過之國國無貧民處處諸王無不改操
以五戒十善爲國之政開獄大赦潤逮衆生
遂至得佛佛告諸沙門普施者是我身時父
者即白淨王是母者即吾母舍妙是時道士
女者今俱夷是時銀城中天者現今阿難是金

城中天者目捷連是琉璃城中天者舍利弗
是菩薩累劫勤行四恩誓願求佛拯濟衆生
菩薩慈惠度無極行布施如是

昔者菩薩為大國王名曰長壽太子名曰長
生其王仁惻恒懷悲心愍傷衆生誓願濟度
精進不倦刀杖不行臣民無怨風雨時節寶
穀豐沃鄰國小王執操暴虐貪殘為法國荒
民貧謂羣臣曰吾聞長壽其國豐富去斯不
遠懷仁不殺無兵革之備吾欲奪之其可獲
乎羣臣曰可則興戰士到大國界蕃屏之臣
馳表具狀惟願備豫長壽則會羣臣議曰彼
王來者惟貪吾國民衆實多若與之戰必傷

民命利己殘民貪而不仁吾不爲也羣臣僉
曰臣等舊習軍謀兵法請自滅之無勞聖思
王曰勝即彼死弱則吾喪彼兵我衆皆天生
育重身惜命誰不然哉全己害民賢者不爲
也羣臣出曰斯天仁之君不可失矣自相檢
率以兵距賊長壽覺之謂太子曰彼貪吾國
懷毒而來羣臣以吾一人之身欲殘民命今
欲委國庶全天民其義可乎太子曰諾父子
踰城即改名族隱處山草於是貪王遂入其
國羣臣黎庶失其舊君猶孝子喪其親哀慟
躄踊無門不然貪王募之黃金千斤錢千万
長壽出於道側樹下坐精思悲愍衆生生死

勤苦不覩非常苦空非身爲欲所惑其苦無
數遠國梵志聞王好施濟衆生命遠來歸窮
於樹下息俱相問訊各陳本末梵志驚曰天
王何緣若茲乎流淚自陳吾餘年無幾故來
乞匄庶全餘命大王亡國吾命窮矣即爲哀
慟王曰子來歸窮而正值吾失國無以濟子不
亦痛乎投淚而曰吾聞新王募吾甚重子取
吾首可獲重償荅曰不然遙服天王仁濟衆
生潤等天地故委本土庶蒙自活今勅斬首
不敢承命矣王曰身爲朽器豈敢寶哉夫生
有死孰有常存若子不取會爲灰土矣梵志
曰天王率天仁之惠必欲殞命以濟下劣者

惟願散手相尋耳王即尋從之故城門令縛
以聞國人覩王哀號慟國梵志獲賞貪王令
於四衢生燒殺之群臣啓曰臣等舊君當就
終沒乞為微饌以贈死靈貪王曰可百官黎
民哀慟塞路躄踊宛轉靡不呼天太子長生
亦佯賣樵當父前立父覩之仰天曰違父遺
誨含凶懷毒愠於重怨遭禍萬載非孝子矣
諸佛四等弘恩之潤德韜天地吾尋斯道殺
身濟衆猶懼不獲孝道微行而況為虐報仇
者乎不替吾言可謂孝矣子不忍視父死還
入深山王命終矣太子哀號血流于口曰吾
君雖有臨終盡仁之戒吾必違之當誅毒虵

遂出傭賃爲臣種菜臣偶行園覩菜甚好問其意狀園監對曰市賃一人妙于園種臣現問曰悉所能乎曰百工之巧吾爲其首臣請其王令爲上饌有踰太官王曰斯食誰爲之乎臣以狀對王即取之今爲廚監每事可焉擢爲近臣告之曰長壽王子吾之重讎今以汝爲蕃屏即曰唯然王曰好獵乎對曰臣好之王即出獵馳馬逐獸與衆相失惟與長生俱處山三日遂至飢困解劔授長生枕其膝眠長生日今得汝不乎拔劔欲斬之忽憶父命曰違父之教爲不孝矣復劔而止王寤曰屬夢長生欲斬吾首將何以也對曰山有強

鬼喜爲炊熟臣自侍衛將何懼矣王復還卧
如斯三者也遂投劔曰吾爲仁父原赦尔命
王寤曰夢見長生原吾命矣太子曰長生者
吾身是也念父追讎之于今矣吾父臨歿口
遺仁誠令吾遵諸佛忍辱惡來善往之道而
吾含極愚之性欲以兩毒相注三思父戒三
釋劔矣願大王疾相誅除重患也身死神遷
惡意不生王悔過曰吾爲暴虐不別臧否子
之先君高行純備亡國不忘行可謂上聖乎
子存親全行可謂孝也吾爲豺狼殘生苟飽
今命在子赦而不戮後豈違之乎今欲返國
由何道也對曰斯惑路者吾之爲也將王出

林與群僚會王曰諸君識長生乎僉曰不識
王曰斯即長生矣今還其國吾返本居自今
為伯仲禍福同之立太子之日率土悲喜交
并莫不稱壽貪王還其國更相貢獻遂致隆
平佛告諸沙門時長壽王者吾身是太子者
阿難是貪王者調達是調達世世毒意向我
我輒濟之阿難與調達本自無怨故不相害
也吾世世忍不可忍者制意立行故今得佛
為三界尊菩薩慈惠度無極行布施如是

六度集經卷第一

敢

鷄山 上音耀則 厥則 上居月 跨天 反上 越也 化踰

地 反上 過也 朱輿 音輪 日余車 無大擘 加下 屏逐 餅上 音退

也放 辜者 罪上 孤拯 拔也 上蒸 字擢 反音 濁叩 頭

上音 擊也 口 乾 川 古上 乾字 下悲 愴初 狀反 僉然 上

廉 反擊 滂沛 反二 字正 作霽 霈上 普郎 陽恐 作上 伴合

詭 居委 反 稱肉 尺上 證反 作稱 肌肉 上音 脾肉 上

作 髀 蒲米 反 身創 下古 惻愴 前上 初側 悲傷 下同

白 擾 亂也 遶 療 愈也 抽疾 醫 傳身 塗上 音賦 霍然

上呼 郭 貧窶 下渠 主反 尔雅 云貧 也詩 云終

云無 財備 賈傷 靡 苗 無也 反 棄捐 下音 弃字 三蒼

魚 上音 鯉 誤也 次意 呼為 黃魚 口在 領下 無

鱗 二大者長渚 音煮輦 力展及腐 音父爛 斫

上音甫下也 唝 音上 古猛反於結反正作齋

之若反宿嚴 唝 音蘇浪 慟 音深也 肅 音敬也 齋

肅 也下音宿嚴 唝 音蘇浪 慟 音深也 肅 音敬也 齋

也作涕泣 體上音 酷 苦毒 感 倉曆反 稻 音道 蔬

度非 涕 泣 體上音 酷 苦毒 感 倉曆反 稻 音道 蔬

郎果反瓜之屬也蔓 稻 穡 下俱猛反 斛 胡谷

斗日 苾芬 樹生之曰果也蔓 稻 穡 下俱猛反 斛 胡谷

降反謂須陔 洹果也此云入流或頻來 斯此謂

云預流或云溝港取流之水義也 頻 來 斯此謂

含果也音義云溝港取流之水義也 頻 來 斯此謂

合作頻來也 枚 音梅 手搏 持也音博 頰 叶古

反了戾 帝下 墮于敵反 歇 許謂反 鰥 寡 頰 叶古

下俱瓦反 墮于敵反 歇 許謂反 鰥 寡 頰 叶古

日俱瓦反 墮于敵反 歇 許謂反 鰥 寡 頰 叶古

福 僦 五反 夫曰寡 縻 粥 碑反 薄 枯 或作音 戶

也 僦 五反 夫曰寡 縻 粥 碑反 薄 枯 或作音 戶

也 僦 五反 夫曰寡 縻 粥 碑反 薄 枯 或作音 戶

也 僦 五反 夫曰寡 縻 粥 碑反 薄 枯 或作音 戶

又狂軟反
能飛細蟲反
蠕動反
上音軟
又而尹
蚊行上
巨支

也
櫟藪作上
助交反
音義云
正蟲也
醒寤正上
思井反
行

音也
嬰除上
當一盈
僚郎反
下音
賑給財上
救音
震以
繒下

疾陵反
財賄每下
呼貸借他代
反
汲引音
急
範法音
犯

孩胡哀反
曲籍亦下
才綜機下
子宋反
錫杖杖上

反擊耀
曄下
光余轉
也反
淡怕安
靜也
箕箒居上

之反
九反
下翔茲
上音
錠光定
上音
擢也
音濁
出
系髮

作上
正
遏於葛
反
乳湮下
音凍
杼江音
序漆
水也

小反
於
瓢蒲
遥也
反
操志
到反
汲烏篤
反
豐正
作

殘也
魚却
反
藩屏上
甫煩
反
下
音餅
蒼也
拒賊

上音
巨諾
奴各
反
藩蔽也
屏音
牆也
毗益
反

足踏
訊訊
信二音
乞句
蓋下音
拉淚
反上
我他
償

地也
訊訊
信二音
乞句
蓋下音
拉淚
反上
我他
償

報也音
賞亦通
墮命
上于敏
反正
踬轉
上紆
或作
婉

順也
亦伴
下詐也
羊愠
怒於
運反
韜
土刀
反也
仇
音
求

毒虻
下除禁
反能
正作
鳩大
如鵬
紫緣
色長
傭

賃
上音
容下
郎
獵
禽菜
反取
逐狩
作下
獸今
炊熱

上合
作灼
原赦
上音
元
三思
上審
去聲
臧否
上

郎反
善惡也
狴狼
上音
野狗也
刑
六



一
二
三
四
五
六

